



A COMPAGNA

DICTIS FACTA RESPONDENT

BOLLETTINO TRIMESTRALE, OMAGGIO AI SOCI - SPED. IN A.P. - 45% - ART.2 COMMA 20/B LEGGE 662/96 - GENOVA
 Anno XXXX, N.S.: N. 1 - Gennaio-Marzo 2008 - QUOTA ANNUA EURO 25
 Tariffa R.O.C.: "Poste Italiane S.p.A. - Spedizione in Abbonamento Postale - D.L. 353/2003 (conv. in L. 27/02/2004 n. 46) art. 1 comma 1, DCB Genova"

sito internet: www.acompagna.org

In questo numero:			
Alessandro Casareto <i>Doppo o Confeugo con a Scindico</i>	p. 1	Giovanni Panella <i>L'arte mia marinaresca</i>	» 11
Paolo Giacomone Piana <i>Il Conte Rumford inventore del Ronfò</i>	» 3	Maria Elisabetta Zorzi <i>Festival "Elmo Genovese" nell'antica fortezza genovese di Sudak (Soldaia) in Crimea</i>	» 12
Franco Bampi <i>E se i Savoia non c'entrassero niente?</i>	» 6	Elena Pongiglione <i>E parolle do gatto</i>	» 13
D.G. <i>Quodcumque boni Egeris ad Deum referto</i>	» 8	Vitta do Sodalissimo	» 14
Enrico Carbone "RICE" <i>Centro storico e caroggi</i>	» 9	Libbri riçevvui (a cura di Nini Muzio Donaver)	» 15

DOPPO O CONFUEGO CON A SCINDICO

Alessandro Casareto

G iusto pè ricordâ comme quest'urtimo Confeugo o segge staeto o primmo da neuva Scindico Marta Vincenzi (e lascio pèrde che a neuva frase d'accogliensa a segge staeta «*Ben trovâ, Madamma Duxe*» perché n'emmo zà parlou assae), e che, comme sempre, i nostri Soci, ma ancon de ciù i nostri amixi ed i zeneixi tutti, aggian partecipòu con tanto ceu e pascion a-o nostro ciù atteizo appuntamento co-a çittae.

Ghe n'ea assae de gente, eivimo ben ben ciù de mille, e vedendo da vixin a Vincenzi devo dî che l'ò vista sempre alegra, felice, d'èse tra tanti zeneixi che han a ceu o nostro parlâ, che tègnan ben erto l'onù dà propria stoia.

L'è un bello segno, 'na bella premessa pe-i proscimi anni.

Comme in te tutte e feste che se deve, gh'è anche i momenti de riflessione: quest'anno emmo ricord'o Pippo di Trilli, ch'o n'à lasciòu a-a fin de mazzo. Un grazie de ceu a-o nostro amico Vitoio De Scalzi ch'o l'è vegnùo a cantâ, de badda comme tutti, due belle canzoin do Pippo.

Ricordemmo e ringrassiemmo pe-a partecipazion i allievi da Scheua Jessie Mario, con quelle

sò Meistre, coscì brave e attente a insegnâ e nostre tradizioin, o meistro de chitara Andrea Facco, Dria do Porto, cantante de Zena, che o l'è anche composto 'na noeuva canson in zeneize, in sce Garibaldi (questo Confeugo o l'ea dedicou a l'Eroe di dui Mondì), e i amixi do «Gruppo Folclorico Çitae de Zena», sempre bravi.

Ma ringraziemmo in moddo speciale tutti i figuranti, Associasoin, Circoli e Compagnie che saieiva lungo ricorda un pe un. Tutti han daeto un contributo de vitalitae, bellezza, eleganza e abilitae, ognun pe-a propria identitae storica, che mi nu n'ò mai visti coscì tanti insemme in tutte e atre manifestassioin zeneixi.

In urtimo, ma nò comme urtimi, ricordemmo i amixi de l'«Ufficio Cerimoniale del Comune di Genova e dell'Area Eventi e Tradizioni». Senza o sò impegno, daeto sempre con paxion, credo che o Confeugo o no saieiva arrivou a'un coscì erto livello, comme ancheu.

Pe-i nostri sempre attenti amixi riportemmo, chi sotto, l'intervento de Maria Vietz, con i mugugni in rimma che tanto o l'è piasciu a tutti.

Alegri! Se vedemmo a-o proximo Confeugo!

Viva A Compagna!... Viva Zena! Viva San Zorzo!